


Nr.: VLR-046	<h1>02 Verklagsregla</h1>	 VATNAJÖKULSPJÓÐGARÐUR
Útgáfa: 0.24		
Dags.: 28.01.2020		
Höfundur: Ingibjörg Smáradóttir		
Ábyrgðaraðili: Magnús Guðmundsson		
Síða 1 af 4	VLR-046 Umsókn um lendingu loftfara og notkun fjarstýrðra loftfara_DRÖG	

1. Tilgangur og gildissvið


Samkvæmt 1. mgr. 38. gr. reglugerðar um Vatnajökulsþjóðgarð **nr. ...** skal afla leyfis þjóðgarðsvarðar vegna lendingar loftfars og notkunar fjarstýrðra loftfara innan Vatnajökulsþjóðgarðs. Sjá einnig 5. mgr. 15. gr. laga um Vatnajökulsþjóðgarð nr. 60/2007.


Tilgangur verklagsreglunnar er að upplýsa umsækjanda um þær kröfur sem gerðar eru til umsókna og umsóknargagna og hvaða kröfur þarf að uppfylla til að leyfi fái útgefið. Þá er tilgangur verklagsreglunnar jafnframt að kynna fyrir umsækjanda hvaða verklag er viðhaft við móttöku og meðferð umsókna innan stjórnáskrá Vatnajökulsþjóðgarðs.

Lögregla, þjörgunarsveitir og aðrir viðbragðsaðilar þurfa ekki að afla leyfis vegna sinna starfa en æskilegt er að þeir láti starfsmenn þjóðgarðsins vita um notkun fjarstýrðra loftfara á þeirra vegum, eftir atvikum eftir á.

Um notkun fjarstýrðra loftfara í rannsóknarskyni eða ef um er að ræða stórt kvikmynda- eða ljósmyndaverkefni fer samkvæmt **VLR-048 Umsókn vegna skipulagðra viðburða, kvikmyndatöku, auglýsingagerðar o.þ.h.** og **VLR-047 Umsókn um rannsóknarleyfi**.

2. Framkvæmd



Nr.: VLR-046	02 Verklagsregla	 VATNAJÖKULSPJÓÐGARÐUR
Útgáfa: 0.24		
Dags.: 28.01.2020		
Höfundur: Ingibjörg Smáradóttir	VLR-046 Umsókn um lendingu	
Ábyrgðaraðili: Magnús Guðmundsson	loftfara og notkun fjarstýrðra loftfara_DRÖG	
Síða 2 af 4		

3. Umsókn og umsóknargögn

Sá sem óskar eftir leyfi samkvæmt verklagsreglu þessari skal fylla út rafræna umsókn sem aðgengileg er á vef Vatnajökulsþjóðgarðs www.vjp.is undir Mínar síður. Í umsókninni skal koma fram lýsing á því sem óskað er leyfis fyrir, tímasetning, tímalengd og staðsetning ásamt öðru sem tilgreint er sérstaklega. Sækja skal um leyfi með minnst 14 daga fyrirvara.

Umsækjandi skal með umsóknargögnum sýna fram á að lendingin/notkunin sem óskað er leyfis fyrir samræmist ákvæðum laga um Vatnajökulsþjóðgarð, reglugerðar um Vatnajökulsþjóðgarð og stjórnunar- og verndaráætlun þjóðgarðsins og að ekki sé hætt á spjöllum á náttúru þjóðgarðsins, menningarminum eða mannvirkjum. Starfsmenn Vatnajökulsþjóðgarðs leiðbeina umsækjanda um hvaða gögn skulu fylgja umsókn og geta ávallt óskað eftir að lagðar verði fram frekari upplýsingar og skýringar varðandi framkvæmd og fyrirkomulag.

Í atvinnustefnu Vatnajökulsþjóðgarðs er sett fram sú stefna að umsóknir um leyfi feli í sér öflun upplýsinga m.a. um tegund og umfang starfsemi, hvar hún fari fram, starfsstöðvar þjónustuaðilans og tengiliði auk mats á mögulegum áhrifum starfseminnar á umhverfið og aðra gesti. Ósk um upplýsingagjöf umsækjanda getur komið til vegna þessarar gagnasöfnunar.

4. Meðferð umsókna


Umsækjandi fær senda staðfestingu á móttöku umsóknar um leið og hún hefur borist þjóðgarðinum. Þjóðgarðsvörður á viðkomandi svæði ber ábyrgð á meðferð málsins og afgreiðslu umsókna. Telji þjóðgarðsvörður að upplýsingar vanti hefur hann samband við umsækjanda eins fljótt og unnt er og óskar eftir frekari gögnum og upplýsingum. Þjóðgarðsvörður getur óskað hvers konar upplýsinga og skýringa vegna umsóknarinnar. Samskipti við umsækjanda fara fram í gegnum umsóknarvef (mínar síður). Ef gögn berast ekki innan þess frests sem gefinn er fær umsækjandi bréf um lok málsins. Vatnajökulsþjóðgarður svarar umsóknum eins fljótt og kostur er og ekki síðar en 14 dögum eftir að umsókn berst.

Við mat á umsóknum tekur þjóðgarðsvörður ákvörðun um veitingu leyfis á grundvelli eftirfarandi sjónarmiða:

- Verndun lífríkis innan þjóðgarðsins.
- Öryggi gesta.
- Markmið þjóðgarðsins um gæðaupplifun gesta í þjóðgarðinum.
- Mengunarvarnir.

Um mat á umsóknum gilda m.a. lög um Vatnajökulsþjóðgarð, reglugerð um Vatnajökulsþjóðgarð, náttúruverndarlög nr. 60/2013 og reglugerðir sem settar eru samkvæmt þeim og stjórnunar- og verndaráætlun Vatnajökulsþjóðgarðs. Við meðferð máls er stjórnsýslulögum nr. 37/1993 fylgt.

Ef mat á umsókn leiðir til þess álits þjóðgarðsvarðar að lendingin/notkunin samræmist ekki framangreindum sjónarmiðum, ákvæðum hlutaðeigandi laga og reglugerða, stjórnunar- og verndaráætlunar fyrir þjóðgarðinn eða ef þjóðgarðsvörður telur að athöfnin muni valda spjöllum eða raska lífríki, jarðmyndunum og landslagi innan þjóðgarðsins, sbr. 1. mgr. 14. gr. laga um

Nr.: VLR-046	02 Verklagsregla	 VATNAJÖKULSPJÓÐGARÐUR
Útgáfa: 0.24		
Dags.: 28.01.2020		
Höfundur: Ingibjörg Smáradóttir	VLR-046 Umsókn um lendingu	
Ábyrgðaraðili: Magnús Guðmundsson	loftfara og notkun fjarstýrðra	
Síða 3 af 4	loftfara_DRÖG	

Vatnajökulsþjóðgarð, er umsækjanda sent bréf þar sem honum er gefinn kostur á að koma að athugasemdum og frekari gögnum. Leiði svör umsækjanda ekki til breytinga á álitum þjóðgarðsvarðar er umsækjanda sent annað bréf þar sem umsókn er synjað.

Ef þjóðgarðsvörður kemst að þeirri niðurstöðu að veita eigi umbeðið leyfi er umsækjanda send tilkynning á umsóknarvef og krafa stofnuð í greiðslugátt. Tekið er gjald fyrir útgáfu leyfis samkvæmt ákvæðum reglugerðar nr. 420/2019 um gestagjöld innan Vatnajökulsþjóðgarðs fyrir veitta þjónustu og aðgang að svæðinu.

Pegar leyfisgjald er greitt er útbúið leyfisbréf þar sem umbeðin lending/notkun er heimiluð. Setja má þau skilyrði fyrir leyfisveitingu sem talin er þörf á, svo sem um umgengni og takmarkanir og skulu þau tilgreind í leyfisbréfi.

Útgefin leyfi eru birt á vef Vatnajökulsþjóðgarðs.


5. Skyldur leyfishafa og eftirlit með framkvæmd

Leyfishafi skal hafa leyfisbréf tiltækt á vettvangi og framvísa því við starfsmenn þjóðgarðsins ef þess er óskað. Þjóðgarðurinn getur gert kröfu um að leyfishafi sé auðkenndur á vettvangi.

Leyfishafa ber að fylgja skilmálum leyfis og kynna sér og virða ákvæði laga um Vatnajökulsþjóðgarð, ákvæði reglugerðar um þjóðgarðinn, svo og ákvæði stjórnunar- og verndaráætlunar. Leyfishafi, starfsfólk hans og gestir á hans vegum skulu ganga vel um náttúru þjóðgarðsins, menningarminjar og mannvirki. Sýna skal ýtrustu varúð og tillitssemi svo að þessu verði ekki spillt, sbr. 1. mgr. 9. gr. reglugerðar um Vatnajökulsþjóðgarð. Þess skal sérstaklega gætt að athafnir leyfishafa valdi ekki gestum og dýralífi óþarfa ónæði.

Hlíta ber fyrimælum þjóðgarðsvarða og annarra starfsmanna þjóðgarðsins um umgengni og háttsemi í þjóðgarðinum, sbr. 2. mgr. 9. gr. reglugerðar um Vatnajökulsþjóðgarð. Þjóðgarðsverði er heimilt að stöðva athafnir leyfishafa ef sýnt þykir að þær geti og/eða hafi haft neikvæð áhrif á náttúru- og menningarminjar og mannvirki þjóðgarðsins og er jafnframt heimilt að vísa leyfishafa, starfsfólki hans eða gestum á hans vegum úr þjóðgarðinum brjóti viðkomandi gegn ákvæðum laga um Vatnajökulsþjóðgarð eða reglugerðar þjóðgarðsins. Brot gegn lögum og reglugerðum settum samkvæmt þeim varða sektum eða fangelsi allt að tveimur árum.

Þjóðgarðsvörður og annað starfsfólk þjóðgarðsins í umboði hans hafa eftirlit með því að leyfishafi virði skilyrði leyfisins og ákvæði þeirra laga og reglugerða sem gilda um athafnir leyfishafa samkvæmt útgefnu leyfi, sbr. 3. tl. 10. gr. laga um Vatnajökulsþjóðgarð. Leyfishafa ber að veita þjóðgarðsverði allar þær upplýsingar og gögn sem þjóðgarðsvörður telur þörf á til að rækja eftirlitshlutverk sitt.

Nr.: VLR-046	02 Verklagsregla	 VATNAJÖKULSPJÓÐGARÐUR
Útgáfa: 0.24		
Dags.: 28.01.2020		
Höfundur: Ingibjörg Smáradóttir	VLR-046 Umsókn um lendingu	
Ábyrgðaraðili: Magnús Guðmundsson	loftfara og notkun fjarstýrðra	
Síða 4 af 4	loftfara_DRÖG	

6. Tilvísanir

- Lög um Vatnajökulsþjóðgarð, nr. 60/2007.
- Reglugerð um Vatnajökulsþjóðgarð, **nr. ...**
- Reglugerð um gestagjöld innan Vatnajökulsþjóðgarðs fyrir veitta þjónustu og aðgang að svæðinu, nr. 420/2019.
- Náttúruverndarlög nr. 60/2013.
- Stjórnsýslulög, nr. 37/1993.
- Upplýsingalög, nr. 140/2012.
- Stjórnunar- og verndaráætlun Vatnajökulsþjóðgarðs.
- Atvinnustefna Vatnajökulsþjóðgarðs, dags. 24. júní 2019.
- Verklagsreglur nr. VLR-047 *Umsókn um rannsóknarleyfi.*
- Verklagsreglur nr. VLR-048 *Umsókn vegna skipulagðra viðburða, kvikmyndatöku, auglýsingagerðar o.þ.h.*